

СССР-н Деед

Советд

сунъгългъна

Централън

сунъгъврин

КОМИССД

Январин 21-д, Москвад, СССР-н Деед Советд тавдгч журалгъна сунъгългъна Централън сунъгъврин комиссин негдгч заседань болв.

Централън сунъгъврин комиссин ахлач ур Гришин В. В. СССР-н Деед Советд болх сунъгългъар Централън сунъгъврин комиссин ъмн бӕӕх тӕрмӕд келдж ӕгв.

СССР-н Деед Советд сунъгългъна туск Положенлӕ ирлцӕлдж Централън сунъгъврин комиссий, сунъгъврин документсин иим янзс батлв: Союзин Советд сунъгългъна сунъгъврин бюллетень (цагъан зӕстӕ), Союзн республикӕс Келн-ӕмтнӕ Советд сунъгългъна сунъгъврин бюллетень (ценъкр зӕстӕ), автономн республикӕс болн автономн областяс келн-ӕмтнӕ Советд сунъгългъна сунъгъврин бюллетень (ѡшг зӕстӕ). Депутатврин кандидатвр бичдж темдггдхин туск Округин сунъгъврин комиссин протоколин, участкин сунъгъврин комиссин дуугъан ӕгггънӕ протоколин болн Округин сунъгъврин комиссин дуугъан ӕгггънӕ протоколин янзс, тер мет Союзин Советд болн Келн-ӕмтнӕ Советд депутат сунъгъсна туск удостоверенӕ янз комисс батлв.

Сунъгъврин комиссмӕдин тизин кев-кецс болн сунъгъврин яршгин кев-кецс Централън сунъгъврин комиссий батлв.

СССР-н Деед Советд сунъгългъар Округсин болн участкин сунъгъврин комиссмӕдур илгӕх бичгин текст Централън сунъгъврин комиссий батлдж авб. Тер бичгӕдт болх сунъгългънд, сунъгъврин комиссмӕдин гол тӕрмӕднӕ келгддж бичгдсн.

Централън сунъгъврин комиссий, СССР-н Деед Советд сунъгългъна сунъгъврин комиссмӕдлӕ кех залгълда теткхин тускар СССР-н залгълдана министр ур Н. Д. Псурцевин доклад заседань деер сонъсв.

Централън сунъгъврин комиссий сунъгъврмудт белдгънлӕ залгълдата нань чигн тӕрмӕд хӕлӕдж, терӕгӕрн ирлцнъгъу шиидврмӕд авб.